

Poštovana učenici, draga djeco!

Nama roditeljima je veoma drago što Vijeće učenika naše škole uspješno i u kontinuitetu izvodi svoje aktivnosti i sarađuje sa svim zainteresovanim stranama vezanim za odgoj i obrazovanje.

Vijeće roditelja naše škole isto tako kroz svoj rad vodi brigu o unapređenju odgoja i obrazovanja a pogotovo vodi brigu o Vašem odgoju, sigurnosti i kvalitetu pohađanja nastave.

U svrhu što ugodnijeg boravka učenika u školi, Vijeće roditelja ovim putem donosi zaključke u želji da ih prihvatite kao roditeljski savjet, koji će vam pomoći u školovanju:

Draga djeco, na početku napominjemo da je nama roditeljima, tokom vašeg školovanja odgoj na prvom mjestu, zato učinimo sve da dobar odgoj i dostojanstvo bude Vaš najljepši ukras.

Zapamtite da je odgoj poput posude koja je potrebna da bi se znanje ulilo i sačuvalo, a kao takvo koristilo za čitav život.

U razgovoru sa vašim učiteljima i nastavnicima vidjeli smo da vas oni doista vole i da im je stalo da uspijete. Oni su tu da vam budu podrška i darivaju vam ključeve znanja, a na vama je da ih prihvatite, jer ono što naučite sada, ostaje za čitav život.

Znajte, da nam je vaše školovanje mnogo više od pukih ocjena i rezultata sa testova. Nama je bitnije da u školi budete sretni i kao takvi uspješno usvajate znanje, pa se svi zajedno trudimo da tako i bude.

Dragi učenici, obzirom da dosta vremena provodite u školi, nastojte se potpuno posvetiti nastavi i predano učestvujte u njoj, kako bi vam usvajanje znanja bilo lakše i potpunije.

Vjerujemo da poštujete sve svoje drugare i drugarice, zato učinite da među vama "caruje drugarstvo" jer ćete tako najlakše steći prijatelje.

Na kraju, znajte, da vas roditelji kao najveći prijatelji pomno prate i pomažu kako biste bili uspješni, ne samo u vašim domovima, nego i u vašoj školi, zato očekujemo da nas nagradite pravim rezultatima, koji će opravdati našu brigu a vama donijeti uspjeh u životu.

Želimo vam svako dobro!